



Jačanje glasova: Organizacije civilnog društva iz Bosne i Hercegovine, Kosova i Srbije ujedinjuju se povodom Međunarodnog dana eliminacije seksualnog nasilja u sukobima

19. juni 2025. – Organizacije civilnog društva iz Bosne i Hercegovine, Kosova i Srbije, okupljene u okviru platforme *Jačanje glasova (Amplifying Voices)*, zajednički obilježavaju Međunarodni dan eliminacije seksualnog nasilja u sukobima. Na ovaj dan stojimo ujedinjeni u svojoj posvećenosti okončanju seksualnog nasilja povezanog s oružanim sukobima i zalaganju za pravdu, dostojanstvo i dugo uskraćeno priznanje za preživjele.

Naslijeđe seksualnog nasilja tokom sukoba 1990-ih u našem regionu ostaje duboko i bolno. Međunarodni krivični sud za bivšu Jugoslaviju (MKSJ) priznao je seksualno nasilje kao oružje rata — namjerno i razorno sredstvo korišteno za nanošenje trajne štete pojedincima i zajednicama. Žene, djevojčice, muškarci i dječaci bili su izloženi neizrecivim zlostavljanjima, a ožiljci ostaju s njima do danas.

Iako procjene govore da su desetine hiljada žena pretrpjele seksualno nasilje u tom periodu, stvarni broj vjerovatno je znatno veći. Mnoge žrtve su ušutkane — neke smrću, druge decenijama stigme, srama i straha. Danas se mnogi preživjeli i dalje suočavaju s traumama, dodatno otežanim nedostatkom pravde i društvene podrške.

Kao organizacije koje već više od 30 godina rade na pitanjima seksualnog nasilja povezanog s konfliktima, rodno zasnovanog nasilja, tranzicijske pravde i prava preživjelih, odajemo priznanje snazi, otpornosti i hrabrosti onih koji su preživjeli ovo nasilje. Njihove priče moraju biti saslušane, priznate i pretočene u konkretne akcije.

Pozivamo vlade, institucije i međunarodne partnere da preduzmu konkretne korake:

- Osiguraju sveobuhvatnu podršku i reparacije za preživjele;
- Suzbiju stigmatu i diskriminaciju kroz obrazovanje i javnu svijest;
- Ojačaju mehanizme odgovornosti za borbu protiv nekažnjivosti;
- Daju prioritet glasovima preživjelih u kreiranju politika i programa.



QKRMT Qendra Kosovare për Rehabilitimin
KRCT e të Mbijetuarve të Torturës
The Kosova Rehabilitation
Center for Torture Victims



žene u crnom beograd

autonomni
ženski
centar
beograd

Vrijeme simboličnih gesta je prošlo. Ono što je preživjelima potrebno — i što zaslužuju — jesu trajne promjene koje će poštovati njihovo dostojanstvo i prava.

Organizacije:

1. Vive Žene, Tuzla, BiH
2. Medica Zenica, Zenica, BiH
3. Medica Gjakova, Đakovica, Kosovo
4. Kosovski centar za rehabilitaciju žrtava torture, Priština, Kosovo
5. Autonomni ženski centar, Beograd, Srbija
6. Žene u crnom, Beograd, Srbija
7. Inicijativa mladih za ljudska prava, Beograd, Srbija

Program “Jačanje glasova” podržavaju *medica mondiale* i *Engagement Global*, uz sredstva Saveznog ministarstva za ekonomsku saradnju i razvoj (BMZ).